

白氏文集

廿四

白氏文集卷第五十五

律詩 凡一百首

感悟妄緣題如上人壁

自從爲駭童直至作衰翁所好隨年異爲
忙終日同弄沙成佛塔鏘玉謁王宮彼此
皆兒戲須臾即色空有營非了義無著是
真宗兼恐勤修道猶應在妄中

思子臺有感二首

曾家機上聞投杼尹氏園中見掇蜂但以



息情生隙罅，何人不解作江充。
聞生魑魅蠹，生蟲何異讒。生疑阻中，但使
武皇心似燭，江充不敢作江充。

賦得邊城角

邊角兩三枝，霜天隴上兒。望鄉相並立，向
月一時吹。戰馬頭皆舉，征人手盡垂。嗚嗚
三奏罷，城上展旌旗。

憶洛中所居

忽憶東都宅，春來事宛然。雪銷行徑裏，水

上卧房前。馱綠栽黃竹，嫌紅種白蓮。醉教
鸞送酒，閣遣鶴看船。幸是林園主，慙爲食
祿牽。宦情薄似帟，鄉思急於弦。豈合姑蘇
守歸休，更待年。

如

想歸田園

戀他朝市，求何事。想取丘園樂，此身千首
惡詩吟。過日一壺好酒，醉銷春歸鄉年。亦
非全老罷，郡家仍未苦。貪快活，不知如我
者。人間能有幾多人。

琴茶

兀兀寄形群動內，陶陶任性一生間。
自拋官後春多醉，不讀書來老更閑。
琴裏知聞唯淥水，茶中故舊是蒙山。
窮通行止長相伴，誰道吾今無往還。

贈楚州郭使君

淮水東南第一州，山圍雉堞月當樓。
黃金印綬懸腰底，白雪歌詩落筆頭。
笑看兒童騎竹馬，醉攜賓客上仙舟。
當家美事堆身

上何營林宗與細侯

和郭使君題枸杞

山陽太守政嚴明，吏靜人安無犬驚。
不知靈藥根成狗，恠得時聞吠夜聲。

初到洛下閭遊

漢庭重少身，宜退洛下閭。
居迹可逃趨，伴入朝應老醜。
尋春放醉尚，麤豪詩攜綵紙。
新裝卷酒典，緋花舊賜袍。
曾在東方千騎上，至今躩蹠馬頭高。

醉贈劉二十八使君

爲我引杯添酒飲，與君把筋擊盤歌。詩稱
國手徒爲爾，命壓人頭不奈何。舉眼風光
長寂寞，滿朝官職獨蹉跎。亦知合被才名
折，二十三年折太多。

太湖石

煙翠三秋色，波濤萬古痕。削成青玉片，截
斷碧雲根。風氣通巖穴，苔文護洞門。三峯
具體小，應是華山孫。

過敷水

垂鞭欲渡羅敷水，處分鳴騶且緩驅。秦氏
雙蛾久冥寞，蘇臺五馬尚踟躕。村童店女
仰頭笑，今日使君真是愚。

南院

林院無情緒，經春不一開。楊花飛作穗，榆
莢落成堆。壯志從中減，流年逐後催。祇應
如過客，病去老迎來。

關詠

景那外變，然創早辛，昔思苦親。

步月憐清景，眠松愛綠陰。早年詩思苦，晚
歲道情深。夜學禪多坐，秋牽興暫吟。悠然
兩事外，無處更留心。
初授祕監，并賜金紫，閑吟小酌，偶寫
所懷。
紫袍新祕監，白首舊書生。鬢雪人間壽，腰
金世上榮。子孫無可念，產業不能營。酒引
眼前興，詩留身後名。關傾三數酌，醉詠十
餘聲。便是羲皇代，先從心太平。

新昌闈居招楊郎中兄弟

紗巾角枕病眠翁，忙少闈多誰與同。但有
雙松當砌下，更無一事到心中。金章紫綬
看如夢，皂蓋朱輪別似空。暑月貧家何所
有，客來唯贈北窗風。

祕省後廳

槐花雨潤新秋地，桐葉風翻欲夜天。盡日
後廳無一事，白頭老監枕書眠。
松齋偶興

置心思慮外滅跡是非間約俸爲生計隨
官換往還耳煩聞曉角眼醒見秋山賴此
松簷下朝迴半日閑
和楊郎中賀楊僕射致仕後楊侍郎
首容門生合宴席上作
業重關西繼大名恩深闕下遂高情祥鱣
降伴趨庭鯉賀鸞飛和出谷鶯范蠡舟中
無子弟踈家席上欠門生可憐玉樹連桃
李從古無如此會榮

松下琴贈客

松寂風初定琴清夜欲闌偶因群動息試
撥一聲看寡鶴當微怨秋泉應指寒慙君
此傾聽本不爲君彈

秋齋

總

晨起秋齋冷蕭條稱病容清風兩窻竹白
露一庭松阮藉謀身拙嵇康向事慵生涯
別有處浩氣在心曾

塗山寺獨遊

野徑行無伴，僧房宿有期。
塗山來去熟，唯是馬蹄知。

登觀音臺望城

百千家似圍碁局，十二街如種菜畦。
遙認微微入朝火，一條星宿五門西。

登靈應臺北望

臨高始見人寰小，對遠方知色界空。
迴首却歸朝市去，一稊米落太倉中。

酬裴相公題興化小池見招長句

爲愛小塘招散客，不嫌老監與新詩。
山公倒載無妨學，范蠡扁舟未要追。
蓬斷偶飄桃李徑，鷗驚誤拂鳳凰池。
敢辭課拙誚高韻，一勺爭禁萬頃陂。

關行
命幽
對
神
對
眼
開
開
無
語
容
情

五十年來思慮熟，忙人應未勝閑人。
林園傲逸真成貴，衣食單疎不是貧。
專掌圖書無過地，遍尋山水自由身。
儻年七十猶強健，尚得關行十五春。

兀兀出門何處去
新昌街晚樹陰斜馬蹄
知意緣行熟不向楊家即庾家
與僧智如夜話

懶鈍尤知命幽棲漸得朋
門間無謁客靜室有禪僧
爐向初冬火籠停半夜燈
憂勞緣智巧自喜百無能

憶廬山舊隱及洛下新居

形骸僂俛班行內骨肉勾留俸祿中
無奈

攀緣隨手長亦知恩愛到頭空
草堂久閉廬山下竹院新
拋洛水東自是未能歸去
得世間誰要白頭翁

晚寒

鬚

急景流如箭淒風利似刀
暝催雞翅歛寒束樹枝高
縮水濃和酒加絛厚絮袍
可憐冬計畢煖卧醉陶陶

偶眠

放盃書案上枕臂火爐前
老愛尋思事慵

多取次眠妻教卸烏帽婢與展青氈便是
屏風樣何勞畫古賢

華城西北雉堞最高崔相公首創樓
臺錢左丞繼種花果合爲勝境題在
獨雅篇歲暮獨遊悵然成詠

高居稱君子瀟灑四無鄰丞相棟梁久使
君桃李新凝情看麗句駐步想清塵況是
寒天客樓空無主人

奉使塗中戲贈張常侍

早風吹土滿長衢驛騎星軺盡疾驅共笑
籃舁亦稱使日馳一驛向東都

有小白馬乘馭多時奉使東行至稠
桑驛溘然而斃足可驚傷不能忘情

題二十韻

能驟復能馳翩翩白馬兒毛寒一團雪鬃
薄萬條絲皂蓋春行日驪駒曉從時雙旌
前獨步五馬內偏騎芳草承蹄葉垂楊拂
頂枝跨將迎好客惜不換妖姬慢鞚遊蕭

促

怪

寺閣驅醉習池睡來乘作夢興發倚成詩
鞭為馴難下鞍綠穩不離北歸還共到東
使亦相隨赭白何曾變玄黃豈得知嘶風
聲覺急踏雪惟行遲昨夜猶葛絛今朝尚
繫維卧槽應不起願主遂長辭塵滅駸駸
跡霜留皎皎姿度關形未改過隙影難追
念倍燕來駿情深項別駢銀收鉤臆帶金
卸絡頭羈何處理奇骨誰家覓弊帷稠桑
驛門外吟罷涕雙垂

題噴玉泉

一本青嶂

泉噴聲如玉潭澄色似空練垂清障上珠
寫綠盆中溜滴三秋雨寒生六月風何時
此巖下來作濯纓翁

去可酬皇甫賓客

閑官兼慢使著處易停輪况欲逢新歲仍
將見故人冒寒尋到洛待暖始歸秦亦擬
同攜手城東略看春

種白蓮

岩

初

吳中白藕洛中栽，莫戀江南花。懶開萬里
攜歸爾，知否紅蕉朱槿，不將來。

答蘇庶子

偶作關東使，重陪洛下遊。病來從斷酒，老
去可禁愁。欵曲偏青眼，蹉跎各白頭。蓬山
闕氣味，依約似龍樓。

答尉遲少監水閣重宴

人情依舊歲華新，今日重招往日賓。雞黍
重廻千里駕，林園暗換四年春。水軒平寫

琉璃鏡，草岸斜鋪翡翠茵。聞道經營費心
力，忍教成後屬他人。

和劉郎中傷鄂姬

不獨君嗟我亦嗟，西風北雪殺南花。不知
月夜魂歸處，鸚鵡洲頭第幾家。

贈東鄰王十三

攜手池邊月，開襟竹下風。驅愁知酒力，破
睡見茶功。居處東西接，年顏老少同。能來
爲伴否，伊上作漁翁。

早春同劉郎中寄宣武令狐相公
梁園不到一年強，遙想清吟對綠觴。
更有何人能飲酌，新添幾卷好篇章。
馬頭拂柳時迴轡，豹尾穿花暫亞槍。
誰引相公開口笑，不逢白監與劉郎。

寄太原李相公

聞道北都今一變，政和軍樂萬人安。
綺羅二八圍賓榻，組練三千夾將壇。
蟬鬢應誇丞相少，貂裘不覺太原寒。
世間大有虛榮貴，百歲無君一日歡。

雪中寄令狐相公兼呈夢得

兔園春雪梁王會，想對金壘詠玉塵。
今日相如身在此，不知客有坐何人。

出使在途所騎馬死改乘肩輦將歸
長安偶詠旅懷寄太原李相公

驛路崎嶇泥雪寒，欲登藍輦一長歎。
風光不見桃花騎，塵土空留杏葉鞍。
喪乘獨歸殊不易，脫驂相贈豈爲難。
并州好馬應無

數不怕旌旄試覓看
下有雙鶴留在洛中忽見劉郎中依然
鳴顧劉因爲鶴歎二篇寄予予以二
絕句答之
辭鄉遠隔華亭水逐我來棲巖嶺雲慙愧
稻粱長不飽未曾迴眼向雞群
荒草院中池水畔銜恩不去又經春見君
驚喜雙迴顧應爲吟聲似主人
宿竇使君在水亭

使君何在在江東池柳初黃杏欲紅有興
即來關便宿不知誰是主人翁

龍門下作

龍門澗下濯塵纓擬作關人過此生筋力
不將諸處用登山臨水詠詩行

姚侍御見過戲贈

晚起春寒慵裹頭客來池上偶同遊東臺
御史多提舉莫按金章繫布裘
履道春居

微雨灑園林，新晴好一尋。但風洗池面，斜日拆花心。暝助嵐陰重，春添水色深。不如陶省事，猶抱有絃琴。

題洛中宅 掛

水木誰家宅，門高占地寬。懸魚掛青甃，行馬護朱欄。春榭籠烟煖，秋庭鏤月寒。松膠粘琥珀，筠粉撲琅玕。試問池臺主，多為將相官。終身不會到，唯展宅圖看。

寄殷協律

東出林外黃杏始開

五歲優遊同過日，一朝消散似浮雲。琴詩酒伴皆拋我，雪月花時最憶君。幾度聽雞歌白日，亦曾騎馬詠紅裙。吳娘暮雨蕭蕭曲，自別江南更不聞。

洛下諸客就宅相送偶題西亭

几榻臨池坐，軒車冒雪過。交親致盃酒，僮僕解笙歌。流歲行將晚，浮榮得幾多。林泉應問我不住，意如何。

答林泉

一謝

好住舊林泉。迴頭一帳然。漸知吾潦倒深。
愧爾留連。欲作棲雲計。須營種黍錢。更容
求一郡。不得亦歸田。
將發洛中。枉令狐相公手札兼辱二
篇寵行。以長句答之。
尺素忽驚來。梓澤雙金不惜送。蓬山八行
落泊。飛雲雨。五字鎗。搃動珮環玉韻。乍聽
堪醒酒。銀鈎細讀。當披顏。收藏便作終身
寶。何啻三年懷袖間。

臨都驛答夢得六言二首

揚子津頭月下。臨都驛裏燈前。昨日老於
前日。去年春似今年。

謝守歸爲祕監馮公老作郎官前事不須
問著新詩且更吟看

喜錢左丞再除華州以詩伸賀

左轄輟中臺。門東委上才。彤襜經宿到。絳
帳及春開。民望懇難奪。天心慈易迴。那知
不隔歲。重借寇恂來。

和錢華州題少華清光絕句

高情雅韻三峯守，主領清光管白雲。自笑亦曾為刺史，蘇州肥膩不如君。

送陝府王大夫

金馬門前迴劍珮，鐵牛城下擁旌旗。他時萬一為交代，留取甘棠三兩枝。

代迎春花招劉郎中

幸與松筠相近栽，不隨桃李一時開。杏園豈敢妨君去，未有花時且看來。

語

翫迎春花贈楊郎中

金英翠萼帶春寒，黃色花中有幾般。憑君與向遊人道，莫作蔓菁花眼看。

關出

身外無羈束，心中少是非。被花留便住，逢酒醉方歸。人事行時少，官曹入日稀。春寒遊正好，穩馬薄絲衣。

座上贈盧判官

把酒承花花落頻，花香酒味相和春。莫言

中

不是江南會虛白亭中舊主人

曲江有感

曲江西岸又春風萬樹花前一老翁遇酒
逢花還且醉若論惆悵事何窮

杏園花下贈劉郎中

恠君把酒偏惆悵曾是貞元花下人自別
花來多少事東風二十四迴春

金華花前有感兼呈崔相公劉郎中

落花如雪鬢如霜醉把花看益自傷少日

為名多檢束長年無興可顛狂四時輪轉

春常少百刻支分夜苦長何事同生壬子

歲老於崔相及劉郎

早辛微之就拜尚書居易續除刑部因書

賀意兼詠離懷

我為憲部入南宮君作尚書鎮浙東老去

一時成白首別來七度換春風簪纓假合

虛名在筋力銷磨實事空遠地官高親故

少些些談笑與誰同

和裴相公水傍絕句

行尋春水坐看山
早出中書晚未還
爲報野僧巖客道
偷閑氣味勝長閑
喜與韋左丞同入南省
因叙舊以贈

之

早年同遇陶鈞主
利鈍精麤共在鎔
金劍淬來長透匣
鉛刀磨盡不成鋒
差肩北省慙非據
接武南宮幸再容
跛鼈雖遲騏驥疾
何妨中路亦相逢

伊州

老去將何散老愁
新教小玉唱伊州
亦應不得多年聽
未教成時已白頭

早朝

鼓動出新昌
雞鳴赴建章
翩翩穩鞍馬
楚楚健衣裳
宮漏傳殘夜
城陰送早涼
月堤槐露氣
風燭樺烟香
雙闕龍相對
千官鴈一行
漢庭方尚少
慙歎鬢如霜

答裴相公乞鶴

驚露聲音好，冲天相貌殊。終宜向遼廓，不稱在泥塗。白首勞爲伴，朱門幸見呼。不知踈野性，解愛鳳池無。

晚從省歸

朝迴北闕值清晨，晚出南宮送暮春。入去丞郎非散秩，歸來詩酒是關人。猶思泉石多成夢，尚歎簪裾未離身。終是不如山下去，心頭眼底兩無塵。

北窓闌坐

虛窻兩叢竹，靜室一爐香。門外紅塵合，城中白日忙。無煩尋道士，不要學仙方。自有延年術，心闌歲月長。

酬嚴給事

羸女偷乘鳳，去時洞中潛。歇弄瓊枝不緣啼，鳥春饒舌青瓊仙郎可得知。

京路

西來爲看秦山雪，東去緣尋洛苑春。來去騰騰兩京路，闌行除我更無人。

華州西

每逢人靜慵多歇，不計程行困即眠。上得藍輦未能去，春風敷水店門前。

從陝至東京

從陝至東京，山徑路漸平。風光四百里，車馬十三程。花共垂鞭看，盃多並轡傾。笙歌與談笑，隨分自將行。

送春

銀花鑿落從君勸，金屑琵琶爲我彈。不獨

送春兼送老，更嘗一酌更聽看。

宿杜曲花下

覓得花千樹，攜來酒一壺。懶歸兼擬宿，未醉豈勞扶。但惜春將晚，寧愁日漸晡。藍輦爲卧舍，漆盃是行厨。斑竹盛茶櫃，紅泥罨餅爐。眼前無所闕，身外更何須。小面琵琶婢，蒼頭鬻菓奴。從君飽富貴，曾作此遊無。

逢舊

侶

久別偶相逢，俱疑是夢中。即今歡樂事，放

盞又成空。對月殘。是夢中。明今。綠樂事。如

繡婦歎

連枝花樣繡羅襦。本擬新年餉小姑。自覺
逢春饒悵望。誰能每日趁功夫。針頭不解
愁眉結線縷。難穿淚臉珠。雖凭繡牀都不
語。同牀繡伴得知無。知無。知無。知無。知無。

春詞

千
亘花樹映小粧。樓春入眉心。兩點愁斜倚
欄杆。問鸚鵡。思量何事不迴頭。

恨詞

曾

昔
翠黛眉亘斂紅珠。淚暗銷。從來恨人意不
省。似今朝。

山石榴花十二韻

曄曄復煌煌。花中無比方。艷天宜小院。條
短稱亘廊。本是山頭物。今為砌下芳。千叢
相向背。萬朶互亘昂。照灼連朱檻。玲瓏映
粉牆。風來添意態。日出助晶光。漸綻燕脂
萼。猶含琴軫房。離披亂剪綵。班駁未勻粧。

絳焰燈千炷紅裙妓一行此時逢國色何處覓天香恐合栽金闕思將獻玉皇好差青鳥使封作百花王
送敏中歸幽寧幕
六十衰翁兒女悲傍人應笑爾應知弟兄垂老相逢日杯酒臨歡欲散時前路加餐須努力今宵盡醉莫推辭司徒知我難爲別直過秋歸未訝遲

宴散

小宴追涼散平橋步月迴笙歌歸院落燈火下樓臺殘暑蟬催盡新秋鴈帶來將何迎睡興臨卧舉殘盃

人定

人定月朧明香銷枕簟清翠屏遮燭影紅袖下簾聲坐久吟方罷眠初夢未成誰家教鸚鵡故故語相驚

池上

嫋嫋涼風動淒淒寒露零蘭衰花始白荷

破葉猶青，獨立棲沙。鶴雙飛，照水螢若爲
寥落境，仍值酒初醒。

池窓

池晚蓮芳謝，窻秋竹意深。更無人作伴，唯
對一張琴。

花酒

香醅淺酌，浮如蟻雲鬢。新梳薄似蟬，爲報
洛城花酒道。莫辭送老二三年。

題崔常侍濟源莊

谷口誰家住，雲肩鎖竹泉。主人何處去，蘿
薜換貂蟬。籍在金閨內，班排玉展前。誠知
憶山水，歸得是何年。

認春戲呈馮少尹李郎中陳主簿

認得春風先到處，西園南面水東頭。柳初
變後條猶重，花未開前葉已稠。暗助醉歡
尋綠酒，潛添睡興著紅樓。知君未別陽和
意，直待春深始擬遊。

春風

春風吹中，對野杏，料繁心，春開香外

春風先發苑中梅，櫻杏桃梨次第開。
薺花榆莢深村裏，亦道春風爲我來。

塘

魏王堤下水聲似使君，灘惆悵迴頭聽。踟躕立馬看蕩風，波眼急翻雪浪心。寒憶得瞿唐事，重吟行路難。

新山柘枝詞

柳暗長廊合，花深小院開。蒼頭鋪錦褥，皓腕捧銀盃。繡帽珠綢綴，香衫袖窄裁。將軍

拄筇杖，看按柘枝來。

代夢得吟

後來變化三分貴，同輩凋零大半無。世上爭先從盡汝，人間鬪在不如吾。竿頭已到應難久，局勢雖遲未必輸。不見山苗與林葉，迎春先綠亦先枯。

寄荅周協律

故人叙舊寄新篇，惆悵江南到眼前。暗想樓臺萬餘里，不聞歌吹一周年。橋頭誰更

看新月池畔猶應泊舊船最憶後亭杯酒
散紅屏風掩綠窻眠

白氏文集卷第五十五

律詩 五言 七言 凡一百首

大和戊申歲大有年詔賜百寮出城
觀稼謹書盛事以俟采詩

清晨承詔命豐歲閱田間膏雨抽苗足涼
風吐穗初早禾黃錯落晚稻綠扶疎好入
詩家詠宜令史館書散爲萬姓食堆作九
年儲莫道如雲稼今秋雲不如
贈悼懷太子挽歌辭二首

竹馬書薨歲銅龍表葬時永言窀穸事全
用少陽儀壽夭由天命哀榮出聖慈恭聞
褒贈詔軫念在薤夷

又一首

剪葉藩封早承華冊命尊笙歌辭洛苑風
雪蔽梁園鹵簿凌霜宿銘旌向月翻宮寮
不逮事哭送出都門

雨中招張司業宿

過夏衣香潤迎秋簟色鮮斜支花石枕卧

詠藥珠篇泥濘非遊日陰沉好睡天能來
同宿否聽雨對牀眠

和集賢劉學士早朝作

吟君昨日早朝詩金御爐前喚仗時煙吐
白龍頭宛轉扇開青雉尾參差暫留春殿
多稱屈合入綸闈即可知從此摩霄去非
晚鬢間未有一莖絲

送陝州王司馬建赴任

陝州司馬去何如養靜資貧兩有餘公事

開忙同少尹料錢多少敵尚書祇攜美酒
爲行伴唯作新詩趁下車自有鐵牛無詠
者料君投刃必應虛

對琴待月

竹院新晴夜松窗未卧時共琴爲老伴與
月有秋期玉軫臨風久金波出霧遲幽音
待清景唯是我心知

楊家南亭

小亭門向月斜開滿地涼風滿地苔此院

好彈秋思處終須一夜抱琴來

早寒

黃葉聚牆角青苔圍柱根被經霜後薄鏡
遇雨來昏半卷寒簷幕斜開暖閣門迎冬
兼送老祗仰酒盈樽

齋月靜居

病來心靜一無思老去身闌百不爲忽忽
眼塵猶愛睡些些口業尚誇詩葷腥每斷
齋居月香火常親宴坐時萬慮消停百神

泰唯應寂寞殺三尺

宿裴相公興化池亭

林亭一出宿風塵忘却平津是要津松閣

晴看山色近石渠秋放水聲新孫弘閣閣

無關客傳說舟忙不借入何似掄村濟川

外別開池館待交親

和劉郎中望終南山秋雪

遍覽古今集都無秋雪詩陽春先唱後陰

嶺未消時草訝霜凝重松疑鶴散遲清光

莫獨占亦對白雲司

廣府胡尚書頻寄詩因答絕句

尚書清白臨南海雖飲貪泉心不回唯向

詩中得珠玉時時寄到帝鄉來

送鶴與裴相臨別贈詩

司空愛爾爾須知不信聽吟送鶴詩羽翻

勢高寧惜別稻粱恩厚莫愁飢夜棲少共

雞爭樹曉浴先饒鳳占池穩上青雲勿迴

顧的應勝在白家時

新從

只

令狐相公拜尚書後有喜從鎮歸朝
之作劉郎中先和因以繼之

車騎從新梁苑廻履聲珮響入中臺鳳池
望在終重去龍節功成且納來金勒最宜
乘雪出玉觴何必待花開尚書首唱郎中
和不計官資祇計才

送河南尹馮學士赴任

石渠金谷中間路軒騎翩翩十日程清洛
飲冰添苦節碧嵩看雪助高情謾誇河北

操旄鉞莫羨江西擁旆旌何似府寮京令
外別教三十六峯迎

讀鄂公傳

高卧深居不見人功名斗藪似灰塵唯留
一部清商樂月下風前伴老身

賦得烏夜啼

城上歸時晚庭前宿處危月明無葉樹霜
滑有風枝啼澁飢喉咽飛佮凍翅垂畫堂
鸚鵡鳥冷暖不相知

鏡換盃

欲將珠匣青銅鏡，換取金樽白玉卮。鏡裏
老來無避處，樽前愁至有消時。茶能散悶
爲功淺，萱縱忘憂得力遲。不似杜康神用
速，纔分一盞便開眉。

高相冬夜聞蟲

蟲聲冬思苦，於秋不解愁。人聞亦愁我，是
老翁聞不畏。少年莫聽白君頭。

雙鸚鵡

綠衣整頓雙，接起紅觜分明對。語時始覺
琵琶絃，莽鹵方知吉了舌。參差鄭牛識字，
吾常歎丁鶴能歌。爾亦知若稱白家鸚鵡，
鳥籠中兼合解吟詩。

贈朱道士

儀容白皙上仙郎，方寸清虛內道場。兩翼
化生因服藥，三尸餓死爲休糧。醮壇北向
宵占斗，寢室東開早納陽。盡日窻間更無
事，唯燒一炷降真香。

臥 窓

昨以拙詩十首寄西川杜相公相公亦以新作十首惠然報示首數雖等工拙不倫重以一章用伸答謝

詩家律手在城都權與尋常將相殊剪截五言兼用鉞陶鈞六義別開鑪驚人卷軸須知有隨事文章不道無篇數雖同光價異十魚目換十驪珠

和令狐相公新於郡內栽竹百竿并壁開軒旦夕對翫偶題七言五韻

梁園脩竹舊傳名久廢年深竹不生千畝荒涼尋未得百竿青翠種新成牆開乍見重添興窻靜時聞別有情煙葉蒙籠侵夜色風枝蕭颯欲秋聲更登樓望尤堪重千萬人家無一莖

重答汝州李六使君見和憶吳中舊遊五首

爲憶娃宮與虎丘翫君新作不能休蜀牋寫出篇篇好吳調吟時句句愁洛下林園

終共住江南風月會重遊由來事過多堪
惜何況蘇州勝汝州

見殷堯藩侍御憶江南詩三十首詩

中多叙蘇杭余嘗典二郡因繼和之

江南名郡數蘇杭寫在殷家三十章君是

旅人猶苦憶我爲刺史更難忘境牽吟詠

真詩國興入笙歌好醉鄉爲念舊遊終一

去扁舟直擬到滄浪

聞新蟬贈劉二十八

咏

蟬發一聲時槐花帶兩枝祇應催我老兼
遣報君知白髮生頭速青雲入手遲無過
一盃酒相勸數開眉

贈王山人

玉芝觀裏王居士服氣餐霞善養身夜後
不聞龜喘息秋來唯長鶴精神容顏盡恠
長如故名姓多疑不是真貴重榮華輕壽
命知君悶見世間人

和劉郎中學士題集賢閣

朱閣青山高庠齊與君才子作詩題傍聞
大內笙歌近下視諸司屋舍伍萬卷圖書
天祿上一條風景月華西欲知丞相優賢
意百步新廊不踏泥

觀幻

有起皆因滅無睽不暫同從歡終作感轉
苦又成空次第花生眼須臾燭過風更無
尋覓處鳥跡印空中
病假中龐少尹攜魚酒相過

宦情牢落年將暮病假聯綿日漸深被老
相催雖白首與春無分未甘心闌停茶椀
從容語醉把花枝取次吟勞動故人龐閣
老提魚攜酒遠相尋

聽田順兒歌

憂玉敲冰聲未停嫌雲不過入青冥爭得
黃金滿衫袖一時拋與斷年聽

聽曹剛琵琶兼示重蓮

撥撥絃絃意不同胡啼番語兩玲瓏誰能

截得曹剛手，挿向重蓮衣袖中。

酬令狐相公春日尋花見寄六韻

病卧帝王州，花時不得遊。
老應隨日至，春肯爲人留。
粉壞杏將謝，火繁桃尚稠。
白飄僧院地，紅落酒家樓。
空裏雪相似，晚來風不休。
吟君悵望句，如到曲江頭。

和劉郎中曲江春望見示

芳景多遊客，衰翁獨在家。
肺傷妨飲酒，眼痛忌看花。
寺路隨江曲，宮牆夾樹斜。
羨君猶壯健，不枉度年華。

送東都留守令狐尚書赴任

翠華黃屋未東巡，碧洛青嵩付大臣。
地稱高情多水竹，山宜闢望少風塵。
龍門即擬爲遊客，金谷先憑作主人。
歌酒家家花處處，莫空管領上陽春。

自題新昌居止，因招楊郎中小飲

地偏坊遠巷仍斜，最近東頭是白家。
宿雨長齊鄰舍柳，晴光照出夾城花。
春風小榼

三升酒寒食深爐一椀茶能到南園同醉
否笙歌隨分有些些

南園試小樂

小園班駁花初發新樂錚鏜教欲成紅萼
紫房皆手植蒼頭碧玉盡家生高調管色
吹銀字慢拽歌詞唱渭城不飲請盃聽一
曲將何安慰老心情

和微之春日投簡陽明洞天五十韻

青陽行已半白日坐將徂越國強仍大稽

一
彭
翊

城高且孤利饒鹽煮海名勝水澄湖牛斗
天垂象台明地展圖瓌奇埴市井佳麗溢
闔闔勾踐遺風霸西施舊俗姝船頭龍夭
矯橋脚獸睢盱鄉味珍彭越時鮮貴鷓鴣
語言諸夏異衣服一方殊搗練蛾眉婢鳴
榔娃角奴江清敵伊洛山翠勝荆巫華表
雙棲鶴聯牆幾點烏煙波分渡口雲樹接
城隅澗遠松如畫洲平水似鋪綠秧科早
稻紫笋拆新蘆暖踏泥中藕香尋石上蒲

雨來萌盡達雷後蟄全蘇柳眼黃絲類花
 房絳蠟珠林風新竹折野燒老桑枯帶彈
 長枝蕙錢穿短貫榆暄和生野菜卑濕長
 街蕪女浣紗相伴兒烹鯉一呼山魃啼稚
 子林狔挂山都產業論蠶蟻孳生計鴨鷓
 泉巖雪飄灑苔壁錦漫糊堰限舟航路堤
 通車馬途耶溪岸迴合禹廟徑盤紆洞穴
 何因鑿星槎誰與剗石凹仙藥白峯峭佛
 香爐去為投金簡來因挈玉壺貴仍招客

宿健未要人扶聞望賢丞相儀形美丈夫
 前驅駐旌旆偏坐列笙竿刺史旗翻隼尚
 書履曳鳧學禪超後有觀妙造虛無髻裏
 傳僧寶環中得道樞登樓詩八詠置硯賦
 三都捧擁羅將綺趨蹌紫與朱廟謀藏稷
 尚兵略貯孫吳令下三軍整風高四海趨
 千家得慈母六郡事嚴姑重士過三哺輕
 才抵一銖送觥歌宛轉嘲妓笑盧胡佐飲
 時炮鼉蠲醒數鱸鱸醉鄉雖咫尺樂事亦

是

須臾若不中賢聖何由外智愚伊予一生
志我爾百年軀江上三千里城中十二衢
出多無伴侶歸只對妻孥白首青山約抽
身去得無

酬鄭侍御多雨春空過詩三十韻

南雨來多滯東風動即狂月行離畢急龍
走召雲忙鬼轉雷車響蛇騰電策光侵滯
天似漏沮洳地成瘡慘澹陰烟白空濛宿
霧黃閣遮千里目悶結九迴腸寂寞羈臣

舘深沉思婦房鏡昏鸞滅影衣潤麝消香
蘭濕難紉珮花凋易落粧沾黃鸞翅重滋
綠草心長紫陌皆泥濘黃污共森茫恐霖
成恠沴望霽劇禎祥楚柳腰肢鞞湘筠涕
淚滂晝昏疑是夜陰盛勝於陽居士巾皆
整行人蓋盡張跳蛙還屢出移蟻欲深藏
端坐交遊廢闈行去步妨愁生垂白叟惱
殺踏青娘變海傷須慮爲魚慎勿忘此時常
方共懼何處可相將已望東溟禱仍封北

鬪

成傷

戶穰却思逢旱魃誰喜見商羊預怕為蠶
病先憂作麥霜惠應施浹洽政豈假揄揚
祀典脩感秩農書振滿牀丹誠期懇苦白
日會昭彰賑廩賙飢戶苦城備壞牆且當
營歲事寧假惜年芳德勝令災弭人安在
吏良尚書心若此不枉繫金章

和春深二十首

何處春深好春深富貴家馬為中路鳥妓
作後庭花羅綺驅論隊金銀用斷車眼前

何所苦唯苦日西斜

又一首

徑

何處春深好春深貧賤家荒涼三逕草冷
落四鄰花奴困歸傭力妻愁出貨車途窮
平路險舉足劇褒斜

又一首

何處春深好春深執政家鳳池添硯水雞
樹落衣花詔借當衢宅恩容上殿車延英
開對夕門與日西斜

鶴

又一首
何處春深好春深方鎮家通犀排帶勝瑞
鷓勘袍花飛絮衝毬馬垂楊拂妓車戎裝
拜春殿左握寶刀斜

又一首

何處春深好春深刺史家陰繁棠布葉岐
秀麥分花五匹鳴珂馬雙輪畫戟車和風
引行樂燁燁隼旗斜

又一首

葉

疋

何處春深好春深學士家鳳書裁五色馬
鬚剪三花蠟炬開明火銀臺賜物車相逢
不敢揖彼此帽佷斜

又一首

何處春深好春深女學家慣看溫室樹飽
識浴堂花御印提隨仗香牋把下車宋家
宮樣髻一片綠雲斜

又一首

何處春深好春深御史家絮縈驄馬尾蝶

繞繡衣花破柱行持斧埋輪立駐車入班
遙認得魚貫一行斜

又一首

何處春深好春深遷客家一杯寒食酒萬
里故園花炎瘴蒸如火光陰走似車爲憂
鵬鳥至祗恐日光斜

又一首

何處春深好春深經業家唯求太常第不
管曲江花折桂名慙却收螢志慕車官場

泥鋪處最怕寸陰斜

又一首

何處春深好春深隱士家野衣裁薜葉山
飯曬松花蘭索紉幽珮蒲輪駐軟車林間
箕踞坐白眼向人斜

又一首

何處春深好春深漁父家松灣隨棹月桃
浦落船花投餌移輕檝牽綸轉小車蕭蕭
蘆葉裏風起釣絲斜

又一首

何處春深好春深潮戶家濤翻三月雪浪
噴四時花曳練馳千馬驚雷走萬車餘波
落何處江轉富陽斜

又一首

何處春深好春深痛飲家十分盃裏物五
色眼前花鋪齧眠糟甕流涎見麴車中山
一沉醉千度日西斜

又一首

何處春深好春深上巳家蘭亭席上酒曲
洛岸邊花弄水游童棹湔裾小婦車齊撓
爭渡處一匹錦標斜

又一首

何處春深好春深寒食家玲瓏鏤雞子宛
轉綵毬花碧草追遊騎紅塵拜掃車鞦韆
細腰女搖曳逐風斜

又一首

何處春深好春深博奕家一先爭破眼六

聚鬪成花鼓，應投壺馬兵。衝象戲車彈，碁局上事最妙。是長斜。

又一首

何處春深好，春深嫁女家。紫排襦上雉黃，帖鬢邊花轉燭初移。障鳴環欲上車，青衣傳氈褥。錦繡一條斜。

又一首

何處春深好，春深娶婦家。兩行籠裏燭一對，扇間花賓拜。登華席親迎，障幃車催粧。

詩未了，星斗漸傾斜。

又一首

何處春深好，春深妓女家。眉欺楊柳葉，裙妬石榴花。蘭麝熏行被，金銅釘坐車。揚州蘇小小，人道最天斜。

詠家醞十韻

獨醒從古笑，靈均長醉如今。數伯倫舊法，依侬傳自杜新方。要妙得於陳井泉，王相資重九麴蘖。精靈用上寅釀糯，豈勞吹范

黍撇芻何假漉陶巾常嫌竹葉猶凡濁始
覺榴花不正真甕揭聞時香酷烈餅封貯
後味甘辛捧疑明水從空化飲似陽和滿
腹春色洞玉壺無表裏光搖金盞有精神
能銷忙事成閑事轉得憂人作樂人應是
世間賢聖物與君還往擬終身坐車馱代

池鶴二首

高竹籠前無伴侶亂雞群裏有風標低頭
乍恐丹砂落曬翅常疑白雪銷轉覺鷓鴣

毛色下苦嫌鸚鵡語聲嬌臨風一唳思何
事悵望青田雲水遙

池中此鶴鶴中稀恐是遼東老令威帶雪
松枝翹膝脛放花菱片綴毛衣佯徊且向
籠間宿奮迅終須天外飛若問故巢知處
在主人相應未能歸

對酒五首

巧拙賢愚相是非何如一醉盡忘機君知
天地中寬窄鷓鴣鸞鳳各自飛

蝸牛角上爭何事，石火光中寄此身。隨富隨貧且歡樂，不開口笑是癡人。
丹砂見火去無迹，白髮詆人來不休。賴有酒仙相煖熱，松喬醉即到前頭。
百歲無多時壯健，一春能幾日清明。相逢且莫推辭醉，聽唱陽關第四聲。
昨日佷眉問疾來，今朝收淚弔人迴。眼前流例君看取，且遣琵琶送一杯。

僧院花

欲悟色空爲佛事，故栽芳樹在僧家。細看便是華嚴偈，方便風開智慧花。

老戒

我有白頭戒，聞於韓侍郎。老多憂活計，病更戀班行。
矍鑠誇身健，周遮說話長。不知吾免否，兩鬢已成霜。

洛橋寒食日作十韻

上苑風烟好，中橋道路平。蹴毬塵不起，潑火雨新晴。
宿醉頭仍重，晨遊眼乍明。老慵

喜

雖省事春誘尚多情遇客踟躕立尋花取
次行連錢嚼金勒鑿落寫銀罌府醞常教
送官娃豈要迎舞腰那及柳歌舌不如鸞
鄉國真堪戀光陰可合輕三年遇寒食盡
在洛陽城

快活

可惜鸞啼落花處一壺濁酒送殘春可憐
月好風涼夜一部清商伴老身飽食安眠
消日月闌淡冷笑接交親誰知將相王侯

外別有優游快活人

送令狐相公赴大原

六纛雙旌萬鐵衣并汾舊路滿光輝青衫
書記何年去紅旆將軍昨日歸詩作馬蹄
隨筆走獵酣鷹翅伴觥飛北都莫作多時
計再爲蒼生入紫微

不出

簷前新葉覆殘花席上餘盃對早茶好是
老郎銷日處誰能騎馬傍人家

身

傷

惜落花

夜來風雨急，無復舊花林。枝上三分落，園中二寸深。日斜啼鳥思春盡，老人心莫恠。添杯飲，情多酒不禁。

老病

晝聽笙歌夜醉眠，若非月下即花前。如今老病須知分，不負春來二十年。

憶晦叔

遊山弄水攜詩卷，弄月尋花把酒盃。六事

盡思君作伴，幾時歸到洛陽來。

送徐州高僕射赴鎮

大紅旆引碧幢旌，新拜將軍指點行。戰將易求何足貴，書生難得始堪榮。離筵歌舞花叢散，候騎刀槍雪隊迎。應笑蹉跎白頭尹，風塵唯管洛陽城。

琴酒

耳根得兩琴，初暢心地忘機。酒半酣，若使啓期兼解醉，應言四樂不言三。

聽

聽幽蘭

琴中古曲是幽蘭，爲我慙慙更弄看。欲得身心俱靜好，自彈不及聽人彈。

六年秋重題白蓮

素房含露玉冠鮮，紺葉搖風鈿扇圓。本是吳州供進藕，今爲伊水寄生蓮。移根到此三千里，結子經今六七年。不獨池中花故舊，兼乘舊日採花船。

元相公挽歌詞三首

銘旌官重威儀盛，吹聲繁鹵簿長。後魏帝孫唐宰相，六年七月葬咸陽。墓門已閉笳蕭去，唯有夫人哭不休。蒼蒼露草咸陽壠，此是千秋第一秋。送葬萬人皆慘澹，反虞駟馬亦悲鳴。琴書劍珮誰收拾，三歲遺孤新學行。

卧聽法曲霓裳

金磬玉笙和已久，牙牀角枕睡常遲。朦朧闌夢初成後，宛轉柔聲入破時。樂可理心

應不謬酒能陶性信無疑起嘗殘酌聽餘
曲斜背銀缸半下帷

結之

歡愛今何在悲啼亦是空同爲一夜夢共
過十年中

五鳳樓晚望
六年八月十日作

晴陽晚照濕烟銷五鳳樓高天沈寥野綠
全經朝雨洗林紅半被暮雲燒龍門翠黛
眉相對伊水黃金縵一條自入秋來風景

好就中最好是今朝

寄劉蘇州

去年八月哭微之今年八月哭敦詩何堪
老淚交流日多是秋風搖落時泣罷幾迴
深自念情來一倍苦相思同年同病同心
事除却蘇州更是誰

送客

病上籃輦相送來衰容秋思兩悠哉涼風
嫋嫋吹槐子却請行人勸一盃

秋思

夕照紅於燒晴空碧勝藍獸形雲不
勢月初三鴈思來天北砧愁滿水南蕭條
秋氣味未老已深諳

酬夢得秋夕不寐見寄

碧簾絳紗帳夜涼風景清病聞和藥氣渴
聽碾茶聲露竹偷燈影烟松護月明何言
千里隔秋思一時生

題周家歌者

清緊如敲玉深圓似轉簧一聲腸一斷能
有幾多腸

憶夢得

齒髮各蹉跎踈慵與病和愛花心在否見
酒興如何年長風情少官高俗慮多幾時
紅燭下聞唱竹枝歌

贈同座

春黛雙蛾嫩秋蓬兩鬢侵謀歡身太晚恨
老意彌深薄解燈前舞尤能酒後吟花叢

便不入猶自味甘心

失婢

宅院小墻庫坊門帖榜遲舊恩慙自薄前
事悔難追籠鳥無常主風花不戀枝今宵
在何處唯有月明知

夜招晦叔

庭草留霜池結冰黃昏鐘絕凍雲凝碧
帳上正飄雪紅火爐前初炷燈高調秦箏
一兩弄小花蠻榼二三升爲君更奏湘靈
神

曲夜就儂來能不能

戲答皇甫監

寒宵勸酒君須飲君是孤眠七十身莫道
非人身不煖十分一盞煖於人

和楊師臯傷小姬英英

自從嬌騃一相依共見楊花七度飛玳瑁
淋空收枕席琵琶絃斷倚屏幃人間有夢
何曾入泉下無家豈是歸墳上少啼留取
淚明年寒食更沾衣

池邊即事

氈帳胡琴出塞曲
蘭塘越棹弄潮聲
何言此處同風月
薊北江南萬里情

聞樂感鄰

老去親朋零落盡
秋來絃管感傷多
尚書宅畔悲鄰笛
透尉門前歎雀羅
綠綺窻空分妓女
絳紗帳掩罷笙歌
歡娛未足身先去
爭奈書生薄命何

白氏文集卷第五十六

110X
430
30